



UNIVERSITÄTS-
BIBLIOTHEK
PADERBORN

**Historia Reverendissimorum ac Illustrissimorum
Dominorum Praepositorum, Decanorum & Scholasticorum
Cathedralis Ecclesiae Hillesheimensis**

Behrens, Konrad Barthold

Lemgoviae, 1705

Illustrissimo ac Reverendissimo Administranti Cathedrali Hillesheimensis
Ecclesiae Capitulo.

[urn:nbn:de:hbz:466:1-64282](https://nbn-resolving.org/urn:nbn:de:hbz:466:1-64282)



ILLUSTRISSIMO ac REVERENDISSIMO

ADMINISTRANTI
CATHEDRALI
HILLESHEIMENSIS ECCLESIAE
CAPITULO.

Dominis Suis, Gratosissimis ac Gratosiss.

D. D. D.

CONRADUS BERTHOLDUS BEHRENS.

Magna semper omni ævo Illustrissimi
CAPITULI Vestri dignitas existit &
septingenti anni sunt, quod HENRICUS
Bavariæ Dux, Imperatoria OTTONUM do-
mo prognatus Vestro gremio ac curæ concre-
deretur, ut in spem, Imperii aliquando mo-
de-

A 2

de-

derandi, quæ quoque non fefellit, formaretur, cujus Hospitii tam grata Ipsi dein memoria mansit, ut cum Bambergensem Episcopatum fundaret, nil magis in votis haberet, quam ut istius Ecclesiæ Canonici Hildesiensibus suis se quam maximè semper similes præberent. Adeo nulli non sæculo veritati semper conforme fuit, quod ante ducentos annos ab Autore quopiam scriptum memini: Ad Capitulum Cathedrale Hillesheimense non nisi Nobili loco natos, aut doctrina præstantes admitti, quodque, cum singulæ per Saxoniam Westphaliamque Cathedrales, certis denotationibus exprimerentur, soli Hillesheimenses Religiosorum epitheton sibi vindicarent.

Non est vero, quod plura hujus generis, quæ de REVERENDISSIMO CAPITULO Vestro Annalium Diœceseos nostræ libri illustria supeditant, hic recenseam, cum singula hæc non minus scripturæ hujus modus recipiat, quam gloriæ Vestræ, quæ ancipiti hoc tempore per universam Europam in ore omnium est, ego decoris quippiam impari scriptione mea conciliare valeam. Illud tantum denoto, cum nostro ævo pleraque, etiam exigui interdum

dum momenti res literis tradantur, multo magis dignum esse, illorum qui Capitulis ejusmodi Cathedralibus cum patriæ commo- do ac zelo præfuerunt memoriam posteritati consignare.

Hoc ipsum quamvis à me exspectari nullo modo queat, ceu quem professio occupatio detinet, nolui tamen, quæ quidem hoc in genere se offerebant, Eruditum orbem amplius latere, saltem ut eos, quibus promptior antiqua ejusmodi tabularia perlustrandi occasio, & aptiore stylo consignandi facultas quoque est, ad accuratiora excitarem, cumque Medicos ad scriptionem ejusmodi se applicantes, invidiam plerumque ac maligna Politicorum judicia comitentur, ipsemet tantum, nec tamen absque exemplo magnorum Medicorum, fungerer vice cotis, acutum reddere quæ ferrum valet, exfors ipsa secandi.

Ad VOS autem ILLUSTRISSIMI GRATIOSISSIMI DOMINI, spectabant pagellæ hæ, ceu DOMINORUM PRÆLATORUM VESTRORUM seriem ac gesta recensentes, quas quod NOMINI VESTRO splendidissimo inscripserim, non ingratas existuras arbitror,

cum alio absque piaculo transferri non potuissent, & tam insignis VESTER, erga rem literariam favor, cujus publicum indicium instructissima Bibliotheca VESTRA præbet, quam gratosus plerorumque affectus, me ultro quasi ad hoc ipsum invitârint.

DEUM veneror, ut Illustrissimum CAPITULUM VESTRUM saluum semper ac incolume servet ac tueatur scripsi Hildesii, die IX Julii Anni cło CCV.

CATA-